

## ХУРАЛДААНЫ ТОЙМ

### ТӨРИЙН АЛБАНЫ ЗӨВЛӨЛИЙН 2014 ОНЫ 28 ДУГААР ХУРАЛДААН

Хуралдаан 2014 оны аравдугаар сарын 16-ны 14 цаг 40 минутад эхэлж, 16 цаг 41 минут хүртэл Төрийн албаны зөвлөлийн хуралдааны танхим (Засгийн газрын 11 дүгээр байрны 301 тоот өрөө)-д болж, нийт 2 цаг 01 минут үргэлжлэв.

№	Хэлэлцсэн асуудал	Гарсан шийдвэр
1	Баянхонгор аймагт зохион байгуулсан нутгийн захиргааны байгууллагын төрийн жинхэнэ албан тушаалын сул орон тоог нөхөх төрийн албаны мэргэшлийн шалгалтын дүнгийн тухай	<p>Төрийн албаны тухай хуулийн 17 дугаар зүйлийн 17.3, Төрийн албаны зөвлөлийн 2013 оны 86 дугаар тогтоолоор баталсан “Төрийн жинхэнэ албан тушаалд анх ороход мэргэшлийн шалгалт авах журам”-ын 8 дугаар зүйлийг баримталж, 2014 оны 10 дугаар сарын 02, 03-ны өдрүүдэд Баянхонгор аймагт зохион байгуулсан төрийн албаны мэргэшлийн шалгалтад тэнцсэн иргэдийг төрийн жинхэнэ албан тушаалд анх орох иргэний нөөцөд бүртгүүлэх тухай Төв комиссын саналыг хэлэлцсэн Төрийн албаны зөвлөлийн 2014 оны 10 дугаар сарын 16-ны өдрийн хуралдааны шийдвэрийг үндэслэн :</p> <p>1. Баянхонгор аймагт 2014 оны 10 дугаар сарын 02, 03-ны өдрүүдэд зохион байгуулсан төрийн жинхэнэ албаны мэргэшлийн шалгалтад тэнцсэн 1 дүгээр хавсралтад дурдсан нэр бүхий 18 иргэнийг “Дэс түшмэлийн ангиллын төрийн жинхэнэ албан тушаалд анх орох иргэний нөөц”-д, 2 дугаар хавсралтад дурдсан нэр бүхий 4 иргэнийг “Туслах түшмэлийн ангиллын төрийн жинхэнэ албан тушаалд анх орох иргэний нөөц”-д тус тус бүртгэх.</p> <p>2. Энэхүү тогтоолын нэг дэх хэсэгт заасан “Дэс түшмэлийн ангиллын төрийн жинхэнэ албан тушаалд анх орох иргэний нөөц”-д бүртгэгдсэн иргэдээс хамгийн өндөр оноо авсан 3 дугаар</p>

		<p>хавсралтад дурдсан нэр бүхий 6 иргэнийг “Туслах түшмэлийн ангиллын төрийн жинхэнэ албан тушаалд анх орох иргэний нөөц”-д бүртгэгдсэн иргэдээс хамгийн өндөр оноо авсан 4 дүгээр хавсралтад дурдсан нэр бүхий 4 иргэнийг өрсөлдсөн албан тушаалд нь томилуулахаар тус тус нэр дэвшүүлэх.</p> <p>3. Энэхүү тогтоолын 3, 4 дүгээр хавсралтад дурдсан нэр бүхий 10 нэр дэвшүүлсэн иргэнийг “Нийтийн албанд нийтийн болон хувийн ашиг сонирхлыг зохицуулах, ашиг сонирхлын зөрчлөөс урьдчилан сэргийлэх тухай хууль”-ийн 23 дугаар зүйлийн 23.5, Төрийн албаны тухай хуулийн 16 дугаар зүйлийн 16.2-т заасан шаардлагыг баримтлан, тухайн албан тушаалд томилуулах арга хэмжээ авахыг Төрийн албаны зөвлөлийн Баянхонгор аймаг дахь салбар зөвлөл /О.Тойвгоо/-д үүрэг болгох</p> <p>4. Энэхүү тогтоолын хэрэгжилтэд хяналт тавьж ажиллахыг Төрийн албаны зөвлөлийн гишүүн Т.Хадхүүд даалгах тухай Монгол Улсын Төрийн албаны зөвлөлийн тогтоол гаргахаар тогтов.</p>
2	<p>Говь-Алтай аймгийн иргэдийн Төлөөлөгчдийн Хурлын Тэргүүлэгчдийн нарийн бичгийн даргын албан тушаалд томилогдох удирдах ажилтны ажлын байрыг нийтэд нээлттэй зарлах тухай</p>	<p>Говь-Алтай аймгийн Иргэдийн Төлөөлөгчдийн Хурлын дарга А.Дэлгэржаргал 2014 оны 10 дугаар сарын 07-ны өдрийн 1/380 тоот албан бичгээр Говь-Алтай аймгийн Иргэдийн Төлөөлөгчдийн Хурлын Тэргүүлэгчдийн нарийн бичгийн даргын албан тушаалд томилогдох удирдах ажилтны ажлын байранд нээлттэй сонгон шалгаруулалт зарлуулах тухай захиалга Төрийн албаны зөвлөлд ирүүлснийг хэлэлцээд сонгон шалгаруулалтыг 2014 оны 10 дугаар сарын 17-ны өдрөөс эхлэн Төрийн албаны зөвлөлийн цахим хуудсаар нийтэд нээлттэй зарлаж, сонгон</p>

		шалгаруулалтыг 2014 оны 11 дүгээр сарын 07-ны өдөр зохион байгуулахаар шийдвэрлэлээ.
3	Сонгуулийн Ерөнхий Хорооны нарийн бичгийн даргаар 2006-2009 онд ажиллаж байсан Б.Баярсайханыг төрийн жинхэнэ албан тушаалд анх орох иргэний нөөцийн жагсаалтад бүртгэх тухай	Төрийн албаны тухай хуулийн 17.11, Улсын Их Хурлын 2002 оны 73 дугаар тогтоол, Төрийн албаны зөвлөлийн 2014 оны 10 дугаар сарын 16-ны өдрийн хуралдааны шийдвэрийг үндэслэн: Монгол Улсын Сонгуулийн ерөнхий хорооны нарийн бичгийн даргаар 2006-2009 онд томилогдон ажиллаж байсан Батчулууны Баярсайханыг төрийн жинхэнэ албан тушаалд анх орох иргэний нөөцийн жагсаалтад бүртгэх тухай Монгол Улсын Төрийн албаны зөвлөлийн тогтоол гаргахаар тогтов.
4	Засгийн газрын тохируулагч агентлаг Мэргэжлийн Хяналтын Ерөнхий газрын дэд даргын албан тушаалд томилуулахаар Төрийн албаны зөвлөлийн дүгнэлт гаргаж, нэр дэвшүүлэх тухай	Төрийн албаны тухай хуулийн 17 дугаар зүйлийн 17.1, 35 дугаар зүйлийн 35.1.6 болон Улсын Их Хурлын 2003 оны 13 дугаар тогтоолоор баталсан “Төрийн жинхэнэ албаны удирдах албан тушаалд томилогдох ажилтныг сонгон шалгаруулах журам”-ын 14-ийн “а”-д заасныг тус тус баримталж, Төрийн албаны зөвлөлийн 2014 оны 10 дугаар сарын 16-ны өдрийн хуралдааны шийдвэрийг үндэслэн : Юнгэрэнгийн Галсанг Монгол Улсын Засгийн газрын тохируулагч агентлаг Мэргэжлийн хяналтын ерөнхий газрын дэд даргын албан тушаалд томилуулахаар дүгнэлт гарган нэр дэвшүүлж, Монгол Улсын сайд, Засгийн газрын Хэрэг эрхлэх газрын дарга Ч.Сайханбилэгт санал болгох тухай Монгол Улсын Төрийн албаны зөвлөлийн тогтоол гаргахаар тогтов.
5	Засгийн газрын хэрэгжүүлэгч агентлаг Худалдан авах ажиллагааны газрын Хуулийн хэлтсийн даргын албан тушаалд томилуулахаар Төрийн	Төрийн албаны тухай хуулийн 17 дугаар зүйлийн 17.1, 35 дугаар зүйлийн 35.1.6 болон Улсын Их Хурлын 2003 оны 13 дугаар тогтоолоор баталсан “Төрийн

	<p>албаны зөвлөлийн дүгнэлт гаргаж, нэр дэвшүүлэх тухай</p>	<p>жинхэнэ албаны удирдах албан тушаалд томилогдох ажилтныг сонгон шалгаруулах журам"-ын 14-ийн "а"-д заасныг тус тус баримталж, Төрийн албаны зөвлөлийн 2014 оны 10 дугаар сарын 16-ны өдрийн хуралдааны шийдвэрийг үндэслэн:          Бавуудоржийн Буяаннэмэхийг Засгийн газрын хэрэгжүүлэгч агентлаг Худалдан авах ажиллагааны газрын Хуулийн хэлтсийн даргын албан тушаалд томилуулахаар нэр дэвшүүлж, дүгнэлт гарган, Худалдан авах ажиллагааны газрын дарга Д.Энжжаргалд хүргүүлэх тухай Монгол Улсын Төрийн албаны зөвлөлийн тогтоол гаргахаар тогтов.</p>
6	<p>Архивын ерөнхий газрын Сургалт, судалгааны газрын даргаар ажиллаж байсан Д.Батхуягаас гаргасан гомдлын талаарх Маргаан хянан шалгах комиссын дүгнэлтийн тухай</p>	<p>Засгийн газрын хэрэгжүүлэгч агентлаг Архивын ерөнхий газрын Сургалт, судалгааны газрын даргаар ажиллаж байсан Д.Батхуягаас тус агентлагийн даргын "Ажлаас халах тухай" 2014 оны 05 дугаар сарын 14-ний өдрийн Б/14 дүгээр тушаалыг эс зөвшөөрч гаргасан өргөдөл үндэслэлтэй эсэхийг шалгасан Маргаан хянан шалгах комиссын дүгнэлтийг Төрийн албаны зөвлөлийн хуралдаанаар хэлэлцээд, Төрийн албаны тухай хуулийн 39 дүгээр зүйлийн 39.1.1, 39.5-д, Улсын Их Хурлын 2003 оны 14 дүгээр тогтоолоор баталсан "Төрийн байгууллага болон төрийн жинхэнэ албан хаагч, уг албан тушаалд нэр дэвшигчийн хооронд төрийн албатай холбогдсон асуудлаар гарсан маргааныг хүлээн авч, хянан шийдвэрлэх журам"-ын "Нэг" дэх хэсгийн 3.4-ийн "д"-д заасныг удирдлага болгон:          1. Засгийн газрын хэрэгжүүлэгч агентлаг Архивын ерөнхий газрын даргын "Ажлаас халах тухай" 2014 оны 05 дугаар сарын 14-ний өдрийн Б/14 дүгээр тушаалыг хууль зүйн үндэслэлгүй гэсэн Маргаан хянан шалгах комиссын дүгнэлтийг зүйтэй гэж үзэх.</p>

		<p>2. Архивын ерөнхий газрын даргын “Ажлаас халах тухай” 2014 оны 05 дугаар сарын 14-ний өдрийн Б/14 дүгээр тушаалыг хүчингүйд тооцох.</p> <p>3. Төрийн албаны зөвлөлийн хуралдаанаас гарсан тогтоолыг Төрийн албаны тухай хуулийн 39 дүгээр зүйлийн 39.6-д заасны дагуу биелүүлж ажиллахыг Архивын ерөнхий газрын дарга И.Саруулд үүрэг болгох тухай Монгол Улсын Төрийн албаны зөвлөлийн тогтоол гаргахаар тогтов.</p>
7	<p>"Том төрөөс ухаалаг төр рүү" санаачилгыг дэмжиж Салбар зөвлөлүүд, төрийн албан хаагчдаас төрийн албаны шинэтгэл, төрийн албаны хүний нөөцийн тогтолцоог боловсронгуй болгох талаар гаргасан саналыг нэгтгэн танилцуулах</p>	<p>Гаргасан саналуудыг хянаж багцлаад холбогдох газруудад албан тоотоор хүргүүлэхээр болов.</p>
8	<p>Зарим хүмүүсийг "Төрийн албаны тэргүүний ажилтан" тэмдгээр шагнах тухай</p>	<p>Төрийн албаны зөвлөлийн 2013 оны 71 дүгээр тогтоолоор баталсан "Төрийн албаны тэргүүний ажилтан тэмдгээр шагнах журам"-ын 3.3 дахь заалт, Төрийн албаны зөвлөлийн 2014 оны 10 дугаар сарын 16-ны өдрийн хуралдаанаар хэлэлцээд гаргасан шийдвэрийг үндэслэн:</p> <p>1. Төрийн албаны чиг үүрэг, албан үүргээ үнэнч шударга, идэвх санаачилгатай, үр бүтээлтэй гүйцэтгэж, тогтвортой амжилт гарган төрийн албаны үйл хэрэгт бодитой хувь нэмэр оруулсан дараах нэр бүхий 19 төрийн албан хаагчдыг Монгол Улсын “Төрийн албаны тэргүүний ажилтан” тэмдгээр шагнах:</p> <p>2. Шагнагдсан хүн тус бүрийн тэмдгийг дагалдах мөнгөн шагнал (хоёр зуун мянган төгрөг)-ыг Монгол Улсын Төрийн албаны зөвлөлийн 2013 оны 71 дүгээр тогтоолын 1 дүгээр хавсралтаар баталсан “Төрийн албаны тэргүүний ажилтан тэмдгээр шагнах журам”-ын 4.2-т заасны дагуу шагнагдагсдад тухайн</p>

		байгууллагаас олгох. 3. Шагнагдсан нийт төрийн албан хаагчдад баяр хүргэж, ажлын амжилт хүсэх тухай Монгол Улсын Төрийн албаны зөвлөлийн тогтоол гаргахаар тогтов.
--	--	---

## ТӨРИЙН АЛБАНЫ ЗӨВЛӨЛ